

潛

山

集

四

卷一

山

卷二

卷三

詳校官庶吉士臣李傳熊

主事臣呂雲棟覆勘

滕錄監生臣俞錫玉

欽定四庫全書

潛山集卷十

宋 釋文珣 撰

七言律

遊越

吳客來遊古越都，緬懷前事更踟蹰。
高峯篆刻空秦望，遺廟丹青尚禹謨。
佛屋幾遷王令宅，官租半入賀家湖。
日斜欲返烟城去，柳下春船不受呼。

出越城訪歸隱庵主人

何事相尋向此遊
入城不似出城幽
山於屋外參差見
水到門前款曲流
橫腹半空栖伏翼
竹排初動蔓牽牛
分明記得前回過
斜月疎鐘到客舟

書懷

為知不是功名骨
換着方袍入翠微
身事半生貧裏過
家園千里夢中歸
尋詩野寺雲黏屐
采藥名山露濕衣
似此踈狂爭怪得
從來野鶴自難羈

雁蕩大龍湫

此水昔年人不見
梵僧來說始知名
飛揚半雜烟嵐氣
斷續全同風雨聲
四壁倚空規鬼鑿
一峯當面自天成
雖然未作山中住
曾到山中夢亦清

農家

繞屋桑麻槿作籬
當門一樹白薔薇
老翁請喚牛醫至
穉子鞭攔鴨陣歸
賽願酒豐同飲福
輸官絹足各裁衣
年年十月農功畢
還向谿頭整釣磯

千里

千里辭家比塞鴻飄飄不定又還東波平整喜扁舟穩
天濶回瞻故壘空別墅烟昏歸晚牧長江雨歇掛晴虹
前程行止誰能計已悟浮生似夢中

偶泛

偶泛扁舟向海堧初非有意訪神仙蓬萊方丈不可問
漢武秦皇空復然水上樓臺皆蜃氣石間膏馥是龍涎
麻姑曾共方平說行復揚塵變土田

茗溪夜泛

萍踪人泛清苔去水宿風餐幾度經
結網燈沈漁浦霧
待艘船泊酒家亭
樹頭栖鷺疑殘雪
草上流螢似亂星
夜後夢回寒月上
棹歌聲裏弁山青

武康道中

又過防風舊國西
客懷煙景兩淒淒
青山環繞疑無路
白水分流盡入溪
竹外野祠荒甃缺
柳邊漁戶草廬低
萍蓬漂轉成何事
不及林猿有定棲

讀伍子胥史事

惆悵當年死屬鏤到頭忠義竟何如
眼懸城郭空懷舊魂寄江濤尚賈餘
向使君王從諫諍未應宮闕便丘墟
唯應教得鴟夷子萬里扁舟計不踈

行窩吟

了無一事可相拘布襪青鞵信所如
亂石荒苔樵子徑竹籬茅舍隱人居
山林真樂須還我朝市閑名不問渠
頗謂行窩安樂法遠勝叔夜養生書

東湖荷花

平波入

酣紅膩綠三千頃總是波神變化成出自淤泥元不染
開於玉井舊知名暑天勝似涼天好葉氣過於花氣清
何事濂溪偏愛此為他枝蔓不曾生

五朶峰

莫知小朶飛來日慧理曾經拍異蹤香潤儘多西竺石
孤高亦有晉朝松斷無一幹栖凡鳥別有深泓卧老龍
絕頂世人遊不到瑤叢清麗似芙蓉

觀禹貢九州歷代帝王國都地理圖

萬里江山幾廢興
覽圖真合拊吾膺
三王二帝皆難問
兩漢六朝何所稱
此日中原全拱北
異時深谷或為陵
看來今古皆如夢
夢境虛無豈足憑

莫賦小成婦詞

新婚便別比秋胡
何似當年莫嫁夫
身在朔方征戍久
鴈來南國信音無
空閨寂寂寒宵永
荒路悠悠遠夢孤
聞道仙家能縮地
瘦心要覓長房符

水亭寫興

為愛幽亭枕碧流
乘閒於此對沙鷗
荷傾宿雨明珠碎
蒲颺輕風翠帶柔
列岫周遭疑堆堞
斷霞零落似汀洲
無人相與言清事
落日鳴蟬滿樹愁

送趙東閣罷官歸永嘉

一年吟抱寄京華
幾度相逢說永嘉
夢入西山尋枸杞
約歸東閣看梅花
風霜推拉知何事
雨露生成自有涯
應笑屈平終不返
空留遺恨在長沙

奉酬鹽倉李文金摘銀魚之什

為有風流賀季真道齋從此往來頻錦囊牙軸詩千卷
金橘銀魚酒一巡見我每呼蓮社客看君還是竹林人
有時夜話寒更盡明日相逢語又新

子思惠詩用韻酬之

老慵祇合在雞羣變化那能慕海鷗壯歲親朋多死別
窮途造化與生存欲尋衣食愁無路却被妻孥怨少恩
健筆期君今落第相朋未得剩空論

晚秋閒步

晚來閒步閱秋光
田上人家盡滌場
遠浦寒波浮鴈鷺
荒山落日下牛羊
客鬢已非當日黑
菊花空似去年黃
因聽翁媪言音異
又復令人憶故鄉

尋山家

路入深原三四里
林藏雞犬十餘家
村籬疎密齊栽枳
山崦高低盡種畬
石罅春風生野筍
洞中流水出殘花
愛同樵客言幽事
不覺歸途暮景斜

客裏

客裏還驚節序還倚闌搔首獨淒然垂開柳眼如相看
落盡梅花又可憐幻境自知如夢蝻離情幾欲託啼鶻
數聲忽聽烏檐角欵曲吹殘谷口煙

首夏獨遊響潭

不解驅馳巧作謀偃然守拙卧林丘方忻嫩綠成槐夏
又愛輕寒作麥秋龍宅清深唯獨往鶯聲欵曲似相留
僧言瀑布巖尤好明日須當到上頭

看新歷

又看景定新頒歷百歲還驚五十過憶昔壯懷多曠遠
只今衰鬢已蹉跎飄零世路饒荆棘展轉歸心念薜蘿
春草夕陽江上去不堪回首一長歌

閒人

不求富貴不嫌貧天地悠悠任此身飛步任教趨要路
好懷到底屬閒人自歸白屋交遊遠認得青山面目真
平地退藏知是寶太行從古有摧輪

春盡日